



Sermon
Kxf. Dr. Numlaajtsheb Yaaj

"Tshuav Nujnqi Ntawm Kev Hlub"

Fourteenth Saturday after Pentecost
St. Michael's Lutheran Church, Richville, MI
9-9-17

Thov txoj koobhmoov txojkev hlub thiab txojkev haumxeeb pub rau nej sawvdaws los ntawm Vajtsvv uas yog peb Leejtxiv uas yog peb tus Cawmseej Tswv Yexus Khetos. Asmees.

Loos 13:8 "Let no debt remain outstanding, except the continuing debt to love one another, for whoever loves others has fulfilled the law – *Nej tsis txhob pub nej tshuav luag nuj luag nqi, tsuas pub tshuav lub siab hlub luag xwb. Tus uas hlub lwmtus, tus ntawd twb ua raws li Vajtsvv txoj kevcai lawm.*" Nov yog Vajtsvv txojlus. (Cross reference – Mathais 7:12; 22:39, Loos 13:10, Kalatias 5:14, Yakaunpaus 2:8, 1 Yauhas 3:10)

Illustration “No more school debt” (Show picture of paid in full)



12 lub xyoo dhau los, kuv tau txais ib tsab ntawv ntawm lub bank hais qhia rau kuv hais txog cov nyiaj uas kuv txais kawv ntawv. Daim ntawv sau haistias, “Your debt are paid in full – *Koj tej nuj nqi them tag lawm.*” Kuv zoo siab heev haistias kuv them tau ntaw lub xyoo mam li them tag. Nov zoo nkaus li lub nras uas tseem tsuam kuv lub xubpwg sib hlo lawm vim kuv tsis tshuav cov nuj nqi ntawm cov nyiaj uas kuv txais kawv ntawv lawm.

- I. Tus Thwjtum Paulus tsabntawv sau mus rau cov ntseeg nyob rau Loos qhia haistias peb txhuatus tseem tshuav nuj nqi. Tej zaum koj yuav nug haistias, “Kuv tseem tshuav leejtwg nuj nqi?”
(Show Romans 13:8)



Tus Thwjtum Paulus sau haistias peb tshuav txhua leej txhua tus nujnqi ntawm tshoekvev **HLUB**. “Let no debt remain outstanding, except the continuing debt to love one another, for whoever loves others has fulfilled the law – *Nej tsis txhob pub nej tshuav luag nuj luag nqi, tsuas pub tshuav lub siab hlub luag xwb. Tus uas hlub lwmtus, tus ntawd twb ua raws li Vajtsvv txoj kevcai lawm.*” (Loos 13:8) Tus Thwjtum Paulus sau haistias txawm peb tseem tshuav tej nuj nqi ntawm khoom ntajteb no los peb tseem tshuav nuj nqi ntawm tshoekvev hlub hauv peb lub neej. Txawm koj them koj tej vajtsev, tej tsheb, nrog rau koj tej khoom uas koj

muaj tag lawm los koj tseem tshuav “debt of love – nujnqi ntawm kev hlub.” (Show Debt)



Peb txhua leej txhua tus yeej tsi xav muaj nuj nqi li. Yog thaum twg koj tshuav nuj nqi nws zoo nkaus li txoj sawv hlau muab koj khi cia lawm. Peb yeej tsi nyiam tiv nqi nyiajtxiag losyog ua ib yam pauj ib yam. Yog koj tshuav koj ib tug txheeb ze nuj nqi, koj tsua muaj kev txhawj mus tag li. (Show Chinese dish)



Xyoo 1997 kuv thiab niam xibhwu wb pib ua lub chaw muag “Chines food – zaubmov suav” wb txais ibtug kwvtij \$3,000.00. Thaum wb txais nyiaj wb kos npe daim ntawv coglus haistias wb yuavtsum them \$3,000.00


thiab 10% paj. Txhua zaug uas kuv pom tus kwvtij no kuv pheej tsua xav haistias kuv tshuav nws nuj nqi. Yog li ntawd thawj peb hli uas wb qhib lub chaw muag mov noj ntawd thiab wb tau peev mentsis ces wb muab them tag nrog rov qab lawm.

- II. Peb yeej tsis xav muaj nuj nqi li puas yog? Vim thaum koj tshuav luag nuj luag nqi, nws zoo nkaus li cov nuj nqi tsuam koj lub nraub qaum rau koj ris. (**Show debt hang over back**)



Paulus sau haistias “Let no debt remain outstanding – *Nej tsis txhob pub nej tshuav luag nuj luag nqi.*” Vajtsvv txojlus txhawb peb haistias yog peb qiv luag lawm peb yuavtsum them rov qab tiamsis yog peb tsis them rov qab yuav ua rau tus ntawd tu siab. Vajtsvv txojlus qhia kom peb cov ntseeg tsis txhob ua li no. Nws tsis xav kom cov ntseeg poob ntsej muag tias cov ntseeg qiv thiab txais lwmtus tiamsis cov ntseeg tsis them yam uas tus ntseeg txais. Yog koj txais ibtug twg koj yuavtsum them rov qab. Nuj nqi ntawm khoom ntiajteb peb txhuatus yeej muaj tiamsis Vajtsvv txojlus


qhia ntxiv rau peb haistias peb txhuatus tseem tshuav ibyam nuj nqi. Qhov nuj nqi uas loj dua lwmyam nuj nqi yog kev txhaum. (**Show sinner's debt of sin**)



Thaum peb ua txhaum Vajtsvv txojkev ncajcees thiab kev dawbhuv yog peb tshuav Vajtsvv nuj nqi. Vajtsvv tej kev samhwm yog kom peb txhuatus yuavtsum muaj kev dawbhuv, kev ncajncees, thiab kom peb txhua tus mloog nws lus peb thiaj li yuav them tau tej nuj nqi ntawm txojkev txhaum. Nuj nqi ntawm kev txhaum yog koj coj tsis ncajncees, dag thiab ntxias lwmtus, muaj kev khib lwmtus, hais lus nkawg xaiv losyog ua phem rau lwmtus puavleej yog nuj nqi ntawm kev txhaum. Peb tibneeg sim ua kom tau raws li Vajtsvv tej kevciai tiamsis txawm peb sim

ua npaum li cas los peb yeej ua tsis tau. Paulus sau rau cov ntseeg ntawm Loos tias, “For all have sinned and fall short of the glory of God – *txhuatus puavleej puavleej ua txhaum thiab tu ncua Vajtsvv lub koobmeej lawm.*” (Loos 3:23) Paulus sau ntxiv haistias, “There is no one righteous, not even on – *Tsis muaj ibtug ncajncees, tsis muaj ibtug li.*” (Loos 3:13)

Yog haistias tsis muaj ibtug ncajncees thiab tsis muaj ibtug them tau nuj nqi ntawm kev txhaum li leejtwg thiaj li yog tus them tau tej nuj nqi no? Leejtwg thiaj li them tau peb tej kev txhaum? Yog tsis muaj leejtwg them tau tej nuj nqi ces peb yuav raug cais mus rau ntuj tawg teb lawm xwb puas yog? (**Show our Great High Priest**)




Cov kwvtij hlub thiab mov tshua, tsis txhob rawm tag kev cia siab. Tswv Yexus Khetos twb los them tag tej nuj nqi rau ntawm tus ntoo khaublig lawm. Phau ntawv Hinplus sau haistias, “Such a high priest meets our need – one who is holy, blameless, pure, set apart from sinners, exalted above the heavens.....He sacrificed for their sins once for all when he offer himself - Tus povthawj hlob uas pab tau peb txojkev thov – *Nws yog tus dawbhuv, tsis muaj ib qho txhaum, tsua muaj kev ntshiaib, raug muab cais ntawm tus ua txhaum, tsa siab rau saum ntuj ceebtsheej... Nws muab nws lub cev theej sawvdaws txojkev txhaum tib zaug*

xwb, thaum nws zoo siab muab nws tus kheej rau sawvdaws. (Hinplus 7:26-27) Yexus los them tagnrho tej nuj nqi ntawm peb tej kev txhaum. Nws muab zam tagnrho lawm.


- III. Yog koj hnov Dave Ramsey qhov radio talk show qhia txog txojkev uas becoming a debt free – *dim*

ntawm tej nuj nqi. Dave gives financial advice thiab pab kom tibneeg tsis txhob tshuav luag nuj luag nqi.
(Show debt free)



Thaum cov tibneeg hu xovtooj tuaj nrog Dave tham, lawv qhia rau Dave haistias lawv them lawv tej nuj nqi tag thiab tsis tshuav nuj nqi ntxiv lawm. Thaum li no Dave kom lawv tsevneeg los nyob uake thiab suav “3, 2, 1, - were debt free!!!!!!..... – *Peb tsis nuj nqi lawm lauj!!!!!!.....*” Txawm haistias cov tibneeg no qws nrov nrov haistias lawv tsis tshuav nuj nqi lawm los lawv tseem tshuav nuj ntawm txojkev txhaum thiab tshuav nuj ntawm kev hlub rau lwmtus. Yexus haistias, “Love your enemies – *hlub koj tus yeebncuab*” (Mathais 5:44) Qhov nuj nqi uas peb tshuav ces yog yuavtsum hlub lwmtus. Peb ua neej nyob peb yuav

ua li cas hlub tau lwmtus yog lwmtus ua phem rau peb? Tus pojniam uas raug mos nws yuav ua li cas muaj kev hlub rau tus uas mos nws ntawd? Tus tibneeg uas tua lwmtus tus pojniam, tus txiv ntawm tus pojniam ntawd yuav ua li cas muaj kev hlub rau tus tibneeg ntawd? Koj yuav ua li cas muaj kev hlub rau tus tibneeg uas hais lus nkaug thiab lus nkawg xaiv txog koj? **(Show forgiven)**



Koj puas yuav teb haistias, “Kuv yuav tsis muaj txojkev zamtxim thiab muaj kev hlub tau rau tus ua phem rau kuv li!” Koj tsua muaj txojkev npaus tawg yog lwmtus ua phem rau koj losyog rau tus uas koj hlub. Cov kwvtij hlub thiab movtshua, txojkev uas yuav kovyeej txhuayam ua rau koj mobsiab tu siab ces koj yuavtsum saib thiab yuav pom rau ntawm tus Cawmseej Tswv Yexus Khetos txojkev hlub. Nws mus rau ntawm tus ntoo khaublig tuag theej zam tagnrho koj txojkev txhaum lawm. Ntawm tus ntoo khaublig koj yuav pom nws txojkev hlub rau tibneeg. Yesus twb zam koj cov kev txhaum lawm, yog li ntawd, ntawd yam

uas koj tshuav ces yog nuj nqi ntawm kev hlub uas yog peb ib leeg hlub ib leeg lawm xwb. Paulus thiaj li sau haistias, “Let no debt remain outstanding – *Nej tsis txhob pub nej tshuav luag nuj luag nqi.*” Peb yuavtsum ua zoo rau txhuatus, hnov yog tshuav nuj nqi ntawm kev hlub. Kev hlub yog los ntawm Vajtswv los rau koj los mus rau lwmtus. Asmees.

Thov kom Vajtswv txojlus pub rau peb sawvdaws totaub thiab tau nyob kajsiab lug rau ntawm Tswv Yesus Khetos lub npe. Peb txhuatus uas yog Vajtswv cov menyuam peb sawvdaws hais: Asmees.